

倍以上。此其原因無他。地價廉而已。內地墾地何以利微。何以獲利僅數釐或至一分而止。此其原因無他。地價貴而已。惟我輩墾地。勢難自往。必須經理得人。是為最要關鍵。人無須奇才異能也。略識字。略通算。來自田間者。即為合格。蓋在該處墾地。與在內地無異。但能依時而墾。依時而種。依時而售。事事核實。時時耐勞。其責既盡。其利自見。并無他奇巧也。車中無事。特書所見如此。

蒙古地勢。平原極多。過壩後如舟行海中。一望無際。間有山巒起伏。視線為阻。及至其處。又廓然開拓。為一大平原。與內地汶港紛歧山峯環繞者迥別。幅員遼廓。氣象雄偉。誠泱泱乎大國之風也。內地人一開口外。即動色而談。鮮不以為極險惡之境。其實山土風物。與直隸等處無異。不過節候較晚。天氣早寒。產物略少耳。(余聞客店主人云。現在天氣較十年前為暖。後此可知。)惟不產燃料。為一大缺點。余意此地必有煤礦。現尚係鴻荒甫辟之世。故寶藏闕而不宣。異日必有發見之一日。(歸途晤墾務局人云。有煤礦四處。金礦一處。)又余更有一感想。是處實一絕好墾牧場。我國內地。譬如人家堂戶寢輿。蒙古地則一牲牢蔬圃也。倘能先利交通。參用西法。墾牧并進。其出產之富。定足供給全國。但不知我國人能享用此牲牢蔬圃否也。

十月一日識

予所期望於大總統者

杜亞泉

當民國元二年間。責任內閣制猶存在時。予每怪袁氏之為總統。何以自尋煩惱如是。繼而改總統制。改帝制。其尋煩惱也愈甚。卒以煩惱喪其生。後之總統。當不至更尋煩惱如袁氏矣。然袁氏之自尋煩惱。固為其虛榮自負之劣性所驅迫。後之總統。苟不具此劣性。自不至蹈其覆轍。而推論自尋煩惱之原因。亦有不根源於劣性而發生於良心者。良心維何。即為總統者。以為予既受國民之付託。負此重任。不可不於政務上稍盡心力是也。既於政務上稍盡心力。則思慮考察之結果。不能不發生意見。既發生意見。不能不發表而望其遂行。既發表而望其遂行。即入於自尋煩惱之途矣。平心而論。袁氏之自尋煩惱。亦非無百分之一二。發生於此良心者。惟無論為良心為劣性。苟自尋煩惱。其於行責任內閣制之共和國家中。不適於為總統則同也。然則行責任內閣制之共和國家中。為總統者。固不可有劣性。亦不可有良心乎。欲總統無劣性可也。欲總統無良心不可也。予於是思為總統者所以不負良心之法。而知為總統者。不可沾沾於政務。當盡其心力於道德及文化。試就古來專制君主論之。凡衝石籀書。察察為明。專盡心力於政務者。皆非令辟也。其留名於歷史者。大都恭儉仁慈。與教勸學。有功於道德及文化者也。求之外國。若英皇之提倡戒酒會。日皇之設立濟生會。德皇之提倡文藝。類是之事跡甚多。予不暇細憶。其注意於道德文化亦同也。共和國元首。雖無世襲君主之勢力。足以提攜羣流。化民成俗。而其眼光亦不可不注於久遠。道德文化之事。

32026 流澤於國民者。常及數百年之久。若夫政務。不過一時之關係。負其責者。有內閣在。總統但選擇適當之人物。足以繫國民多數之信用者。任爲國務員可矣。現今吾國中。關於道德文化之事。亟宜提倡者。就余之所見言之。如進德會。(從前吳稚暉汪兆民等所提倡之進德會章程。稍有偏激處。宜以不吸煙不飲酒、

不蓄妾、不治遊、不賭博、爲標準。)童子軍。(此事創於法國。德人效之。英人亦仿行之。大有益於青年之道德及體力)調查國內動植礦物。繙譯百科全書。推廣國音字母。分析漢藥成分。接濟貧民醫藥。籌辦廢民職業(如盲啞學堂之類)等。任舉其一。皆有大功。卽至一行之善。(如救助一人)一藝之微。(如書畫詩歌音樂等)獎而進之。亦於國有益。此類事業。不必藉政治上之助力。但以大總統之私人資格。爲社會領袖。喚起羣衆之精神。要求各界之協助。揚仁風於宇內。留模範於後來。較之深處白宮。勞形案牘者。其見地之廣狹。氣宇之宏纖。不已有霄壤之殊乎。是爲予所期望於大總統者。

記黎總統 錄時報

黃陂第一過人處。卽在一儉字。方其在武昌時。自都督以至末僚。一律月支薪俸二十元。故章太炎稱爲大布之衣。大帛之冠。此真臥薪嘗膽民窮財盡之中國之有位者所當取法。與袁氏之剝民自肥。養尊處優。揮霍無度。成一反比例。民國政界齷齪。權利競爭。官僚與偉人。所以招罵者。全在奢侈二字。使

能如黃陂之刻苦。何至動輒被人疑謗乎。黃陂入京二年。袁氏以厚祿爲羈縻之計。月支三萬元。雖不爲少。以較袁氏之月五百萬。猶不敷用。則不可以道里計。然黃陂固用不了許多也。今年正位以後。卽捐六十萬交商會救濟市面。仍有餘蓄。以賑濟來京找總統謀事之鄉人。以二年計。得俸不過七十二萬。除所捐六十萬。可知其所用不及十二萬元也。去年受袁疑忌。遣散衛隊時。又嘗解囊分贈川資。爲數不少。皆此十二萬元中支出。此總統府某員以告余者。接任總統後。府中機關林立。官多如鯽。本年府用。預算爲一百九十一萬五千五百元。自七月一日至年底之半數。爲九十五萬七千七百五十元。(此係財政部正式豫算。袁時代之月五百萬。則另有崇文門稅局拱衛軍糧餉局交通銀行及梁燕孫供給)黃陂謂太多。因召陳瀾生。告以兵燹之餘。瘡痍滿目。執政者當以節用爲要。余決意將下半年府用。減五分之二。(共減三十八萬三千一百元)如不敷。再將冗員酌減。雖前總統舊人。亦不能多所顧惜云。又袁氏當國時。府中人橫行市塵。戲館妓寮。以總統府三字爲享權利之代價。黃陂正位。卽令庶務司發通告遍登各報。謂府員出外購物。均照市價。如有抑勒行強等事。准卽扭訴。一面頒發手諭。嚴戒從前一切恃勢橫行之非理舉動。故近日北京。我們是總統府之聲寂然矣。

黃陂之語劉仲文曰。此次遷移南海。本由辦事人倡議。余以府院相距太遠。遷移較便。故亦聽之。余此後但期崇實黜華。